



UNIVERSITÄTS-
BIBLIOTHEK
PADERBORN

Universitätsbibliothek Paderborn

Oratio De Gratitudine

Stiebar, Georg Sebastian

Lavingae, 1581

VD16 S 8992

Ad Georgivm Sebastianvm Stibarum, à Butenheim, EQ. Francum Melos Propempticum, Tricolon Tetrastrophon: Iohannis Ortelii Cygnocomaei.

urn:nbn:de:hbz:466:1-12334

AD GEORGIVM
SEBASTIANVM STI-
barum, à Butenheim,
EQ. Francum

*Melos Propempticum, Tri-
colon Tetrastrophon:*

IOHANNIS ORTELII
CYGNOCOMÆI.

Hirsuta pigrū condit hyems caput:
Dū uicta molli nix Zephyro ca-
Frōdesq; dentatæ GEORGI dit:
Arboribus redeūt SEBASTE:
Pratisq; ruptis graminæ spitem
Tollunt in auras, mille coloribus
Pictum: nec ullis continetur
Grex stabulis, nec aues in umbris:
Ducitq; festos alma Venus choros:
Et læta nymphis carmina Gratia
Iunctæ canunt: nidosq; fugit
Sub trabibus luteis hirundo.

C Hinc

Hinc magna castris Aonidum tue
Patris uoluntas euocat: & lares
Te uult paternos, eruditum
Moribus ingenuis adire.

Non ociosos ut peragas domi
Soles diu: nec tempus inanibus
(Ceu stridulae cantant cicadae)
Delitijs tribuas inerter:

Verum amplioris spe sapientiae,
Magnoq; fructu, Gallica uisites
Ut regna: sic linguas, & artem
Iuris ut erudiaris æqui.

Quos inchoasti, si celeras gradus
In disciplinis: non dubito fore:
Quin copia prudente rerum
Exhilaras iterum parentem.

Sex namq; messes sic studia artium
Exercuisti libera: sic tuæ
Vitæ probasti integritatem,
Obsequiumq; tuis magistris:

Ut

Vt prosequantur te merita, & tuos
Nunc laude mores: prospera ut omnia
Captis tuis ex arce cæli,
Atq; tuo capiti precentur.

Hanc ergò laudem fac cumules: loca
Si nunc per agras extera: fac tuis
Vt sedulum impendas laborem
Artibus, & studijs honestis.

Quæ nobilem te præcipue decet:
Quæ digna patris stemmate sunt tui:
Quæ Christianam rem tuentur:
Et decorant patriæ salutem.

Fac diligentes numinibus preces
Fundas benignis: & fugias eos,
Qui negligentes, uel Cyclopes
Mete, hominesq; deosq; temnunt.

Qui pocla nocturnis manibus rotant,
Et qui diurnis: qui citò peierant,
Christiq; diras imprecantur
Vulneribus, meritoq; summi.

C ij Hæc

*Hæc si cauebis : si studijs tuis
Tantum uacabis, si precibus sacrîs :
Virtutibus certè decorus
Pluribus in patriam redibis.*

*Tectis Deorum magna penatium
Imperties sic plurima gaudia,
Ex gloria parta labore
Assiduo, uigilantiq;.*

*Ito ergo, quò te fata suo trabunt,
STIBARE, nutu:uerim auibus bonis
Ito : Dei tutus supremi
Præsidio, auspicioq; læto.*



IOAN.